

p. 90 line -3【普現莊嚴事】《大方廣佛華嚴經》卷 36〈入不思議解脫境界普賢行願品〉：「善男子！譬如海中有摩尼寶，名曰海藏，普現海中諸莊嚴事；菩薩摩訶薩菩提心寶亦復如是，普能顯現一切智海諸莊嚴事。」(T10,p.827,c22-25)《大方廣佛華嚴經》卷 54〈38 離世間品·十行·難得行第八〉：「佛子！菩薩摩訶薩有十種莊嚴。何等為十？所謂：力莊嚴，不可壞故；無畏莊嚴，無能伏故；義莊嚴，說不可說義無窮盡故；法莊嚴，八萬四千法聚觀察演說無忘失故；願莊嚴，一切菩薩所發弘誓無退轉故；行莊嚴，修普賢行而出離故；剎莊嚴，以一切剎作一剎故；普音莊嚴，周遍一切諸佛世界兩法兩故；力持莊嚴，於一切劫行無數行不斷絕故；變化莊嚴，於一眾生身示現一切眾生數等身，令一切眾生悉得知見，求一切智無退轉故。是為十。若諸菩薩安住此法，則得如來一切無上法莊嚴。」(T10,p.287,a29-b11)

p. 91 line 1【寶手接引】請見《觀經傳通記》p. 724：4

p. 91 line 2【足有德用】《大方廣佛華嚴經疏》卷 55〈39 入法界品〉：「舉足下足。無非道場。隨心轉故。」(T35,p.919,b3)《大方廣佛華嚴經疏》卷 7〈1 世主妙嚴品〉：「舉足下足。海印發輝。諸有威儀。無非佛事。」(T35,p.555,a11-12)《大方廣佛華嚴經隨疏演義鈔》卷 18：「菩薩若應諸波羅蜜教化眾生。諸有所作。舉足下足。當知皆從道場來。住於佛法。」(T36,p.141,b25-27)

p. 91 line 8【觀音願重】《悲華經》卷 3〈4 諸菩薩本授記品〉：「我今觀於地獄眾生多諸苦惱，人天之中或有垢心，以垢心故，數數墮於三惡道中。復作是念：『是諸眾生以坐親近惡知識故，退失正法墮大闇處，盡諸善根，攝取種種諸邪見等，以覆其心，行於邪道。世尊！今我以大音聲告諸眾生，我之所有一切善根，盡迴向阿耨多羅三藐三菩提。願我行菩薩道時，若有眾生受諸苦惱、恐怖等事，退失正法，墮大闇處，憂愁孤窮、無有救護、無依無舍，若能念我、稱我名字，若其為我天耳所

聞、天眼所見，是眾生等，若不得免斯苦惱者，我終不成阿耨多羅三藐三菩提。』復白佛言：『世尊！我今復當為眾生故，發上勝願。世尊！我今若能逮得已利者，願令轉輪聖王，過第一恒沙等阿僧祇劫已，始入第二恒沙等阿僧祇劫，是時世界名曰安樂，大王成佛號無量壽，世界莊嚴，眾生清淨，作正法王，是佛世尊於無量劫作佛事已，所作已辦，入無餘涅槃，乃至正法住時，我於其中修菩薩道，即於是時能作佛事；是佛正法於初夜滅，即其後夜，成阿耨多羅三藐三菩提。』復白佛言：『惟願世尊為我授記，今我一心請於十方如恒河沙等現在諸佛，惟願各各為我授記。』「善男子！爾時，寶藏佛尋為授記：『善男子！汝觀天人及三惡道一切眾生，生大悲心，欲斷眾生諸苦惱故，欲斷眾生諸煩惱故，欲令眾生住安樂故。善男子！今當字汝為觀世音。善男子！汝行菩薩道時，已有百千無量億那由他眾生得離苦惱，汝為菩薩時，已能大作佛事。善男子！無量壽佛般涅槃已，第二恒河沙等阿僧祇劫後分，初夜分中，正法滅盡，夜後分中，彼土轉名一切珍寶所成就世界，所有種種莊嚴無量無邊，安樂世界所不及也。善男子！汝於後夜種種莊嚴，在菩提樹下坐金剛座，於一念中間成阿耨多羅三藐三菩提，號遍出一切光明功德山王如來。應供。正遍知。明行足。善逝。世間解。無上士。調御丈夫。天人師。佛。世尊，其佛壽命九十六億那由他百千劫，般涅槃已，正法住世六十三億劫。』」（T03, p. 185, c13- p. 186, a24）

p. 92 line -4【有五等類】請見《觀經傳通記》p. 729：5

p. 92 line -1【圓光不同】請見《觀經傳通記》p. 730：1

p. 93 line 5【舉少顯多益】淨影《觀無量壽經義疏》卷1：「有緣皆見此菩薩一毛孔光。即見十方一切佛光。以此菩薩與一切佛法身體同。故見此光即見一切諸佛光。」（T37, p. 181, b26-29）

p. 93 line 4~5【有緣、淨妙】戒度《觀無量壽經義疏正觀記》卷3：「有緣者。緣即宿世善種。誰不具之。但生熟異爾。得名初中。因一孔

光。見諸佛光者。因果雖異。內證是同。經云淨妙者。惑累究盡故淨。性德本具故妙。」(X22, p.411,c2-5)

p.93 line -5【彼此無增減】請見《傳通記》p.733：-2～p.734：6

p.93 line -4【肉髻寶瓶】戒度《觀無量壽經義疏正觀記》卷3：「所以髻有寶瓶者。乃表菩薩內證三德。寶瓶法身德也。光明般若德也。佛事解脫德也。」(X22,p.411,c8-9)

p.93 line -2【行不同相】戒度《觀無量壽經義疏正觀記》卷3：「行相中。若欲表法。行即菩薩能觀之智。世界即所觀之境。十界眾生不離菩薩一念心體。悉能破惑顯理。故云一切震動也。當地動處者。即指菩薩觀智所照之境。既能破惑。必應起行。故譬寶華。五百億者。即五位真因也。於五位中。增修福慧。故曰莊嚴。因果不二。故曰高顯。極樂世界。即是所契實相理境也。」(X22,p.411,c11-17)【五位：唯識宗所立修行五位，即資糧位、加行位、通達位、修習位、究竟位。】

p.94 line 3【分身雲集】通潤《法華經大窾》卷1：「多寶。現塔現身。釋迦變土。十方分身雲集一處。乃至現舌相。放毫光。皆是直將佛知佛見示人。」(X31,p.707,c24-p.708,a2)大義《法華經大成》卷6：「分身雲集。充滿其中。以彰法界塵塵剎剎。觸目皆是實相真境。」(X32,p.474,b13-14)《法華經大成》卷6：「分身雲集。遍大千世界。容一方分身未盡。足見應化之廣也。釋迦分身。喻如一燈然百千燈。真應無盡。而器界有窮。故雖大千。不能容受。」(X32,p.476,a7-9)

p.94 line 3【塼】【說文】遮隔也。又充塞。【正法念經】塼滿充徧。【𠄎】〔ㄉㄛˋ〕1. 清晰。2. 整齊貌。南朝梁蕭統《殿賦》：「闌檻參差，棟宇齊𠄎。」3. 正直。4. 博具。即骰子。～《漢語大詞典》

p.94 line 4【問答】《釋淨土群疑論》卷6：「今言度苦眾生者。為度自土苦眾生。為度他土苦眾生耶。答：通度自他土苦眾生。問曰：自土

既無苦眾生。云何度自土苦眾生。他土雖有苦眾生。應須往彼度苦。何因乃集極樂。遠度他方苦耶。答：自國眾生雖無苦。然有二種生死。分段變易。有漏有為行苦之苦。如來同集為說妙法。令速出離二種生死。成就法身。故名度苦。他國眾生或宜身往親自救拔。故分身佛遍滿十方。如此土眾生淨土業成。臨命終化佛來迎往彼。或宜歸還遠為利益。故集本國遙拯沈淪。或言度苦眾生。化佛集自土中化諸菩薩。令興大悲心。捨自土樂。遣生他方。行大悲行。教化十方有緣眾生。故言集極樂國度苦眾生。如經論言。八地菩薩由多寂證真如理。不肯出定教化眾生。諸佛摩頂。勸令出定教化眾生。即其義也。故維摩經言。此土菩薩於諸眾生大悲堅固。又言。是人乃能捨清淨土。而來樂此多怨害處。」

(T47,p.65,a23-b13)

p.94 line -4【十一】經文「是為觀大勢至色身相。觀此菩薩者。名第十一觀，除無數劫阿僧祇生死之罪。」另：「是為觀大勢至色身想。名第十一觀，觀此菩薩者，除無數劫阿僧祇生死之罪。」(T12,p.344,b9-10)

p.94 line -2【重生後益】請見《觀經傳通記》p.739：4

p.94 line -2【總牒二身】請見《觀經傳通記》p.739：-1。《觀無量壽佛經疏妙宗鈔》卷6：「名為具足觀觀世音大勢至者。以二菩薩唯有頂上化佛、寶瓶。二種有異。餘相皆同。同異分明。名具足見。」

(T37,p.227,b21-23)元照《觀無量壽佛經義疏》卷3：「從頂至足。總攝身相。

故云具足。文牒二名。故知雙結。」(T37,p.298,c24-25)